

Август 2020

УИДА ҚОЛИНГ!

25 АВГУСТ КУНИ МАМЛАКАТИМИЗДА 316 ҲОЛАТДА КАСАЛЛИК ҚАЙД ЭТИЛДИ, БУ СЎНГИ КУНЛАРДАГИ ЭНГ ПАСТ КЎРСАТКИЧДИР.

INSON O'ZGARSA - JAMIYAT O'ZGARADI

ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИНING ИЖТИМОЙ-СИЁСИЙ ГАЗЕТАСИ



milliy

№ 29-30 (1080) 2020 йил 26 август

tiklanish

www.mt.uz / mtiklanish@mail.ru / mtiklanish




«СЕН – ҚУДРАТ МАНБАИ, САОДАТ МАСКАНИ, ЖОНАЖОН ЎЗБЕКИСТОНИМ!»



БАТАН МУСТАҚИЛЛИГИ
ФИДОЙИЛИК ТҮЙҒУСINI АНГАШДАН БОШЛАНАДИ

2



ЁШЛАР ЮРТБОШИМИЗ
ИШОНЧНИ ОҚЛАЙДИЛАР

Шавкат МИРЗИЁЕВ:

«БИЗ МАНА ШУ ЁРУФ КУНЛАР УЧУН КУРАШИБ, ЖОН ФИДО ЭТГАН ОТА-БОБОЛАРИМИЗНИНГ ҲАҚҚИ-ҲУРМАТИ, 33 МИЛЛИОНЛИК ХАЛҚИМИЗНИНГ ҲАҚҚИ-ҲУРМАТИ, БИЗГА УМИД ВА ИШОНЧ КЎЗИ БИЛАН БОҚИБ ТУРГАН БОЛАЛАРИМИЗ, НАБИРАЛАРИМИЗНИНГ ҲАҚҚИ-ҲУРМАТИ – МУСТАҚИЛЛИК ВА ИСТИҚЛОЛ ЙЎЛИДАН ҲЕЧ ҚАЧОН ҚАЙТМАЙМИЗ!»



Қонун лойиҳаси ҳали мукамал эмас

Олий Мажлис Қонунчилик палатаси депутати Фарҳод Зайниевнинг маълум қилишича, кеча Ўзбекистон «Миллий тикланиш» демократик партияси фракцияси аъзолари «Шахсий томорқа хўжалиги тўғрисида»ги Қонун лойиҳасини биринчи ўқишда кўриб чиқдилар. Депутатнинг қайд этишича, амалдаги қонунчиликда шахсий томорқадан самарали фойдаланмаганлик учун ҳуқуқий таъсир чораларини қўллаш кўзда тутилган. Бироқ, янги қонун лойиҳасида шахсий томорқа, ер участкаси тушунчаси, шахсий томорқа хўжалиги фаолияти билан шуғулланиш масалалари тўла ёритиб берилмаган.

Тўғри, лойиҳада шахсий томорқа ер участкаси, шахсий томорқа хўжалиги, шахсий томорқа хўжалигини юритишда ер участкаларидан фойдаланувчиларнинг ҳуқуқ ва мажбуриятларини белгилаш, ваколатли давлат органлари ва нодавлат нотижорат ташкилотларининг шахсий томорқа хўжаликлари соҳасидаги вазифалари ва иштироки очиб берилмоқда.

Шу билан бирга, лойиҳага шахсий томорқа хўжалигида етиштирилган ёки қайта ишланган маҳсулотларни бозорлар, савдо шохобчаларида ўзлари ёки уларнинг вакиллари томонидан ҳеч қандай тўсқинликсиз эркин реализация қилиш учун шароит яратиш, мева-сабзавотчилик кластерлари билан ҳамкорлик қилиш, шунингдек, мева-сабзавотчилик кооперацияларига аъзо бўлишга кўмаклашиш билан боғлиқ қондалар киритилмапти. Бир сўз билан айтганда, мазкур Қонун фуқароларнинг шахсий томорқа хўжалигидан фойдаланиш тартибини белгилайди, уларнинг ҳуқуқ ва мажбуриятлари ҳамда давлат томонидан қўллаб-қувватлаш механизмларини мустаҳкамлашга хизмат қилади. Фракция аъзоси Алишер Ҳамроев эса ушбу қонун лойиҳаси қабул қилинган тақдирда ҳам ҳокимлик ва аҳоли ўртасида ер масаласида юзага келаётган муаммоларни ҳал қилмаслигини таъкидлади. Чунки, ер қанча муддатга фойдаланишга берилмасин, айрим фуқаролар у ерларга яшаш учун уй-жой қурмоқдалар.

Бас шундай экан, фуқароларнинг қонунларга қатъий амал қилишларига эришиш керак. Йигилишда фракция аъзолари қонун лойиҳасида йўл қўйилган камчиликларни жиддий таҳлил этиш ва иккинчи ўқиш жараёнида партия позициясини билдиришга келишиб олдилар.

Ўз мухбиримиз

6

БИЗ УЧУН ХАЛҚ ТАЪЛИМИ ВА МАКТАБГАЧА ТАЪЛИМ ВАЗИРЛИГИ ФАОЛИЯТИНИНГ РИВОЖИ УСТУВОР ВАЗИФА БЎЛИБ ҚОЛАВЕРАДИ

БОШҚА СИЁСИЙ ПАРТИЯЛАР ҲАМ «МИЛЛИЙ ТИКЛАНИШ» ТАШАББУСЛАРИ МУҲИМ ЭКАНИНИ ТАН ОЛА БОШЛАДИЛАР

4

ЁШЛАР ЖАМИ ПАРТИЯЛАР АЪЗОЛАРИНИНГ 1 ФОИЗИНИ ҲАМ ТАШКИЛ ЭТМАЯПТИ

5

УМИДДЛИ ДУНЁ

3



Баъзан тугаши билмаган дардлар ёмғир бўлиб устиндан ёғади.
 Шунини унутмаки, ранго-ранг камалак ёмғирдан кейин чиқади.

Жаалолидин Румий

БОШҚА СИЁСІЙ ПАРТИЯЛАР ҲАМ «МИЛЛИЙ ТИКЛАНИШ» ТАШАББУСЛАРИ МУҲИМ ЭКАНИНИ ТАН ОЛА БОШЛАДИ



Айни пайтда янги авлодни тарбиялаш, ёшлар дунёқарашини миллий қадриятлар асосида шакллантириш давлат сиёсати даражасига кўтарилаётгани бежиз эмас.

Маълумки, тарбия бугунги куннинг энг долзарб масаласи экани Ўзбекистон «Миллий тикланиш» демократик партиясининг Сайловолди дастурида энг устувор йўналиш сифатида белгилаб олинган.

Гарчи сайловолди дебатларида айрим партиялар ушбу масаланинг «унчалар муҳим эмас»лигини таъкидлаган ва партиямизнинг «Инсон ўзгармаса – жамият ўзгармайди» ғоясини бачкана бир ғоя сифатида талқин қилган бўлсаларда, сайловдан кейин кўпчилиكنинг тарбия масаласига бўлган қарашлари ўзгарди дейиш мумкин. Айнан ана шу ғояни рўёбга чиқариш учун эса ҳукумат қарори билан «Узлуқсиз маънавий тарбия концепцияси» қабул қилинди. Бугун ушбу ҳужжат доирасида оила, мактабгача таълим ва умумий ўрта таълим мактабларида маънавий тарбияни ташкил этиш масалалари ижроси тегишли идоралар томонидан таъминлана бошланди.

Яна бир муҳим масала бу – «Таълим тўғрисида»ги қонуннинг қабул қилингани бўлди. Бунда ҳам партиямизнинг муҳим ғоя ва таклифлари қабул қилинди. Хусусан, ушбу қонунда илк бор «тарбия» сўзи ишлатилди. Тарбия билан боғлиқ бошқа талаблар ҳам айнан партиямиз

билан ўз аксини топди. Албатта, бундай натижага осонликча эришилгани йўқ. Бу борада бошқа сиёсий партиялар томонидан жуда кўп танқидий ва қарши фикрлар ҳам билдирилди. Бундай муносабатлар сайловолди дебатлари пайтидаёқ бошланган эди.

“ Сайловолди дебатларида айрим партиялар ушбу масаланинг «унчалар муҳим эмас»лигини таъкидлаган ва партиямизнинг «Инсон ўзгармаса – жамият ўзгармайди» ғоясини бачкана бир ғоя сифатида талқин қилган бўлсаларда, сайловдан кейин кўпчилиكنинг тарбия масаласига бўлган қарашлари ўзгарди, дейиш мумкин.

ташаббуси билан акс эттирилди.

Тарбиянинг таълим жараёнларидаги аҳамияти қонуннинг «Миллий ва умуминсоний қадриятларни тарбиявий ҳамда таълим жараёнларида акс эттирилиш»га оид норма, ёки «Хусусий таълим муассасаларида Давлат таълим стандартларига риоя қилиш мажбурияти каби» нормалар

Аммо Олий Мажлис Қонунчилик палатаси спикери ўринбосари, партиямиз етакчиси Алишер Қодиров бошчилигидаги фракциямизнинг саъй-ҳаракатлари билан «Тарбия» фанининг ўқитилиши юзасидан тайёрланган таклифлар ниҳоят ҳукумат томонидан қўллаб-қувватланди ва 2020 йилнинг 6 июнида Вазир-

лар Маҳкамасининг «Умумий ўрта таълим муассасаларида «Тарбия» фанини босқичма-босқич амалиётга жорий этиш чора-тадбирлари тўғрисида»ги қарори қабул қилинди.

Шу асосида умумий ўрта таълим муассасаларида «Одобнома», «Ватан туйғуси», «Миллий истиқлол ғояси ва маънавий асослари» ҳамда «Дунё динлари тарихи» фанларини бирлаштирган ягона «Тарбия» фани 1-9 синфларда - 2020/2021 ўқув йилидан, 10-11 синфларда эса 2021/2022 ўқув йилидан бошлаб ўқитиладиган бўлди.

Қайд этиш жоизки, узоқ йиллар давомида жар ёқасига келиб қолган тарбия билан боғлиқ муаммоларни ҳал этишда мазкур Концепция ўз вақтида қабул қилинган муҳим ҳужжат бўлди десак муболаға бўлмайди.

Хулоса ўрнида шунини айтиш лозимки, тарбия ва таълим жараёни ўзаро уйғун, узлуқсиз асосда ривожлангандагина жамиятимизда ахлоқий фазилат-

ларга эга, юксак маънавиятли, шу билан бирга билимдон, зукко, руҳан ва жисмонан соғлом, кенг дунёқараш ва тафаккурга эга, замонавий касб-хунар эгаси бўлган ёшлар улғаядилар.

Ушбу масаланинг ниҳоятда ҳаётий эканини бошқа партиялар вакиллари ҳам эътироф эта бошладилар. Хусусан, Ўзбекистон «Адолат» СДП Фарғона вилоят кенгаши раиси Шерзод Каримовга партиямизнинг 2020-2024 йилларга мўлжалланган Сайловолди дастурида белгиланган мақсад ва вазифаларини қўллаб-қувватлаб, кенг жамоатчиликка етказишда фаоллик кўрсатгани учун миннатдорлик билдираман. Зеро, бу ҳам «Инсонни ўзгартириш – орқали жамиятни ўзгартириш» йўлидаги ташаббусларимиз ўз самарасини бераётганидан далолатдир.

Хурсаной ИСЛАМОВА,
 ЎЗМТДП Фарғона вилоят кенгаши раиси,
 вилоят кенгаши депутати

Табрик

ИСТИҚЛОЛ БАЙРАМИ ҚУТЛУҒ БЎЛСИН, АЗИЗ ЮРТДОШЛАР!



БЕТАҚРОР ЎЗБЕКИСТОН ЗАМИНИДА
 БАХТ ВА БАХТИЁРЛИК ҚЎШИҒИ АБАДИЙ
 ЯНГРАСИН! ФАРЗАНДЛАРИМИЗ КЕЛАЖАГИ
 ЙЎЛИДА ФИДОҚОРОНА МЕҲНАТ ҚИЛАЁТГАН
 ЮРТДОШЛАРИМИЗ ДОИМО СОҒ-САЛОМАТ
 БЎЛСИНЛАР!



ФАРҒОНА ВИЛОЯТ КЕНГАШИ ЖАМОАСИ





Кимни ким эканлигини билиш истасанг,
кимларни севишига боқ.

Жалолиддин Румий



Кутлуғ бўлсин!

ЁШЛАР

Жами партиялар аъзоларининг

1 ФОИЗИНИ ҲАМ ТАШКИЛ ЭТМАЯПТИ

Ўзгаришлар сифат асосидир



Янги профессионал таълим муассасаларида таълим мазмуни, сони ва сифати, таълим дастурлари, технологияларининг ислоҳ қилиниши оқибатида бир қанча ўзгаришлар амалга оширилади. Ушбу вазифаларнинг амалга оширилиши эса иктисодиётни тараккий эттириш, қамбағалликни қисқартириш, ёшлар ва хотин-қизларнинг ҳаётда муносиб ўрин топиши, натижада халқимиз турмуш фаровонлигини ошириш масалаларининг ижобий ҳал этилишини таъминлайди. 2019 йили барча молиялаштириш манбалари ҳисобидан жами 220,7 триллион сўмлик инвестиция йўналтирилди, шундан асосий капиталга инвестициялар ҳажми 189,9 триллион сўм экани ва бу 2018 йилги кўрсаткичларига нисбатан 1,3 баробарга ўсганини айтиш жоиз.

Бугунги туб ўзгаришлар даврида курак гап ва тегзаминсиз ваъдаларга ишонганидан ёшлар бармоқ билан санарли, десак хато бўлмайди. Шу маънода, бирон-бир партия ўз фаолиятининг янги авлод вакиллари ҳаётида муҳим рол ўйнашини исботлай олмас экан, ёшларнинг бошқа кучларга эргашиши табиий ҳол, албатта.

Депутатларга, парламент институтига бўлган эътибор, энг муҳими ишонч кучайди. Мамлакат сиёсий майдонига ёш етакчилар кириб кела бошлади. Хусусан, Андижонда ҳам ёш депутатлар орасида салоҳиятли ёшлар сафи кенгайди. Масалан «Зулфия» давлат мукофоти совриндори Рушана Рустомова, вилоят ҳокимлигининг ёшлар билан ишлаш бўйича масъул ходими Элёрбек Холмирозев, «Ёшлар иттифоқи» Булоқбоши туман кенгаши раиси Жасурбек Низомов, Избоскан туманидаги 8-умумтаълим мактаби директори Муҳиддин Қўчқаров, «Қум» МФЙ раиси Мақсудбек Акбаровлар «Миллий тикланиш»нинг энг фаол аъзоларига айландилар.

Шунингдек, 471 та бошланғич партия ташкилотининг қарийб 50 фоизига ҳам ёшлар раҳбарлик қиляпти. Бу партия фаоллари орасида ёш етакчилар шаклланаётганини кўрсатади, албатта. Баски, шундай натижалар қайд этилаётган бир пайтда нега ёшлар мавжуд муаммоларни

Депутатлар кўмағида эса тадбиркорлик фаолиятини бошлаган 15 нафар йигит-қизга тижорат банкларида юз миллион сўмдан ортқ кредитлар олиб берилди. Хусусан, халқ депутатлари Шаҳрихон туман Кенгашининг ёш депутати Мақсудбек Акбаров «Ёшлар қаноти» билан ҳамкорликда «Қум» МФЙда «Шукрона» хусусий ишлаб чиқариш цехини ташкил қилиб, 20 дан ортқ қизларни иш билан таъминлади. 20 нафарини эса устоз-шоғирд аънаси бўйича бепул хунарга ўргатди.

«Ёшлар қаноти» партиянинг чинакам қанотига айлансин, энг долзарб масалалар ечими пайтида таянчи-суянчи бўла олсин. Шундагина нега ёшлар билан партиялар ўртасида кўринмас жарлик бор, нега ёшлар ўзлари хоҳлаб партия сафига кирмаяптилар, деган саволларга жавоб оламиз.

Айни пайтда Андижон вилоятида 3,2 миллионга яқин аҳоли бўлса, уларнинг 1,7 миллионини ёшлар ташкил этапти. 1 август ҳолатига кўра, Ўзбекистон ХДП сафида 17 минг, ЎзЛиДеПда 18 минг, Адолат СДП сафида 7197, Экологик партияга аъзо ёшлар сони эса 3117 нафарни ташкил этмоқда. «Миллий тикланиш» демократик партияси Андижон вилоят кенгаши «Ёшлар қаноти» эса 10274 нафар ёшлар бошини қовуштирган ҳолда фаолият олиб бормоқда. Бу жами партия аъзоларининг 44 фоизидир.

Бундан ташқари «Ёшлар қаноти» сафига 100 га яқин

«Ёшлар парламенти»га бўлиб ўтган сайловларда «Миллий тикланиш» демократик партиясидан 5 нафар, ЎзЛиДеПдан 5, ХДПдан 3, Адолатдан 3, Экологик партиядан эса 1 нафар ёш депутатликка сайланди.

Вилоят кенгаши депутати Муроджон Сулаймонов ҳам 16 нафар ёшларга бепул таълим қўлларига олиб берди, уларнинг қўёнчилик билан шуғулланишларига йўл очиб берди.

Тўғри, бугун мамлакатимиз ёшларининг қадами парламентга етиб борди. Зера, бу кекса авлод учун ушалмас орзу бўлган. Бугуннинг сиёсий фаол, ўзининг фуқаролик позициясига, сиёсий партия аъзолигига эга бўлган ёшлар парламентада депутат бўлиш имкониятини ҳам қўлга киритдилар. «Ёшлар парламенти»га бўлиб ўтган сайловларда вилоятимиздан «Миллий тикланиш» демократик партиясидан 5 нафар, ЎзЛиДеПдан 5, ХДПдан 3, Адолатдан 3, Экологик партиядан эса 1 нафар ёш депутатликка сайланди.

Кейинги йилларда партия аъзолари орасида ёшлар фаоллиги сезилаётгани қувонарли ҳол, албатта. Аммо 5 та партия сафидаги ёшлар вилоятдаги жами ёшларнинг атига 1 фоизни ҳам ташкил этмаётгани ижобий кўрсаткич эмас. Бу айни пайтда бошқа партиялар қатори ёшларга оид ўз сиёсатимизни ҳам қайта кўриб чиқишни тақозо этади. Шу ўринда бугунги ёшлар сиёсий партияларга ишонмайди, деган ҳақли савол туғилиши мумкин. Тўғри, кейинги тўрт йилда бошқа соҳа ва тизимлар қатори сиёсий партиялар ишида ҳам сезиларли ўзгаришлар рўй берди.

турли мукофотларга сазовор бўлган ёшларнинг қўшилгани, уларнинг 30 нафардан ортқига жаҳон чемпиони, 40 дан ортқига эса фан олимпиадалар ғолиблари экани «қанот»да жонланишлар кузатилаётганини аниқлади. Айни пайтда «Ёшлар қаноти» сафида «Зулфия»чи ёшлар 6 нафарни ташкил этмоқда.

партиялар сафида туриб ҳал этишга шошилмаяптилар? Тўғри, жойларда партиянинг мақсад ва вазифалари ҳақида кўпроқ маълумотлар беришга ҳаракат қиляпмиз. Хусусан «Хунарманд» уюшмаси билан бирга уюлмаган ёшларни хунарга ўргатиш мақсадида «Мададор кўллари» лойиҳаси доирасида онлайн курслар ташкил этдик. Ушбу курслар айнан пандемия шароитига мос лойиҳа бўлиб, ёшлар томонидан яхши қабул қилинди ҳам.

Ана шундай саъй-ҳаракатлар натижасида «Ёшлар қаноти» сафига 1303 нафар йигит-қиз қўшилди. Албатта, бундай кўрсаткичлар партияга нисбатан ёшлар ишончи ортиб бораётганини кўрсатади. Бироқ, Ўзбекистон «Миллий тикланиш» демократик партияси Марказий кенгаши раиси Алишер Қодировнинг III Пленумидаги маърузасида таъкидлаганидек, ёшлар масаласига кенгроқ қарашимиз, «Ёшлар – эртаимиз эгалари» эканини қозғоларда эмас, амалда исботлашимиз керак.

«Ёшлар парламенти»га бўлиб ўтган сайловларда вилоятимиздан «Миллий тикланиш» демократик партиясидан 5 нафар, ЎзЛиДеПдан 5, ХДПдан 3, Адолатдан 3, Экологик партиядан эса 1 нафар ёш депутатликка сайланди.

Кутинг!



Келгуси сонларда

Қорақалпоғистон Республикаси Жўкорги Кенгашидаги Ўзбекистон «Миллий тикланиш» демократик партияси фракцияси аъзоси Венера Каленова ҳикояси:

«Уйма-уй» лойиҳаси доирасида эса ёшларнинг 700 дан ортқ муаммолари ўрганилиб, уларнинг ижобий ечимлари топилди. Жумладан, Жалақудуқ туманидаги 15 нафар мактаб битирувчисига бепул экин майдони ажратилиб, уларга кўчат ва уруғлар етказиб берилди. Бундай амалиёт барча туман ва шаҳарларда йўлга қўйилди. Ёшларнинг мавсумий қандилгини таъминлашга қаратилган саъй-ҳаракатлар натижасида эса 200 дан ортқ ёшлар ишли бўлдилар.

Аммо қозғолардан амалиётга ўтиш жараёни қўйиб бўлганлардан бошланғичи керак. Тадбиркорлик учунгина тадбир ўтказиш, журналист ёки блогерлар кўриши, эшитиши учун «буюк» чиқишлар уштиришдан кўра, бир кунда 2 та хонадонда бўлиб, ана шу оила фарзандлари билан самимий суҳбат уюштирсак, муаммоларини сабр билан эшитсак, сафимиз ўз-ўзидан кенгайди, хайрихоҳларимиз сони ошади. Бир сўз билан айтганда, партияимиз томонидан ҳали бу борада кўп изланишлар олиб боришимиз, ноанъанавий тадбирлар, мулоқотлар, ҳамкорлик кечалари, ёшлар оқшоми сингари ўзига хос учрашувларда партиянинг асл муддаосини ёшларга тушунтиришимиз керак.

«Ёшлар парламенти»га бўлиб ўтган сайловларда вилоятимиздан «Миллий тикланиш» демократик партиясидан 5 нафар, ЎзЛиДеПдан 5, ХДПдан 3, Адолатдан 3, Экологик партиядан эса 1 нафар ёш депутатликка сайланди.

Камола АБДУВАЛИВА, Андижон вилоят кенгаши матбуот котиби

Муродулло ХОЛМУҲАМЕДОВ, Олий ва ўрта махсус таълим вазирининг ўринбосари

Сўнги етти ойда қайси автомобиль энг кўп ишлаб чиқарилган?

Ўзбекистонда 7 ойда жами 44 901 дона «Cobalt» автомобили ишлаб чиқарилди. Бу ўтган йилнинг шу даврига нисбатан 149,7% ўсиш суръатига эга бўлди. Давлат статистика қўмитаси маълумотларига кўра, автомобиль ишлаб чиқариш сонаотида 2020 йилнинг январь-июль ойларида 44 901 дона «Cobalt» (ўтган йилнинг мос даврига нисбатан 149,7%), 41 663 дона «Nexia T-250» (96,6%), 30 368 дона «Lacetti-Genra» (124,5%), 30 889 дона «Damas» (111,7%), 16 370 дона «Spark» (138,9%) ҳамда 4 520 дона «Lambo» (101,9%) автомобиллари ишлаб чиқарилди.

Эслатиб ўтамиз, июль ойида 7219 дона «Cobalt» автомобили ишлаб чиқарилган бўлиб, бу кўрсаткич ўтган ойга нисбатан 338 тага кам.



Бизнинг бу даргоҳимиз умидсизлик даргоҳи эмасдир,
Юз бор тавбангни бузган бўлсанг ҳам яна кел.

Жалолиддин Румий



Паландаранинг Янгиқишлоғида яшовчи Ойгул ўттиз етти ёшда. У қарийб ийигирма тўрт йиллик умрининг ҳар лаҳзаси қутилмаган муаммолар ичида кечганини таъкидлайди. Аёлнинг ҳикоя қилишича, у ўн тўрт ёшида онасидан айрилган. Отаси эса бошқа турмуш қурган. Шу тариқа айни балоғат палласидаги қизалоқ дам у опасиникида, дам бу опасининг уйи ёки бирон қариндошиникида яшаган! Қул ўтмай отаси ҳам вафот этган...

Паландарада шундай депутатимиз бор эканку...

— Вақт ўтган сайин яқинларинг меҳри ҳам ўгайлаша бораркан, — дейди Ойгул. — Ҳеч ким мендан қаердасан, ҳолинг қалай деб сўрашмади, маҳалладан бирон ҳужжат керак бўлиб қолсагина, бор-йўқлигим биллинди, холос.

Кун, ой ва йиллар шу зайлда ўтаверади. Бу орада бир киши билан шаърий никоҳдан ўтди. Кейин ҳомиладорлик... Ҳаётнинг синовлари эса уни ёлғиз қолдиришни истмади. Қунлардан бир кун турмуш ўртоғи қамалиб қолди, ижарадаги уйдан эса чиқариб юбордилар...

Ойгулнинг уйсиз қолганини эшитган, кўрганлар унга ачиндилар. Аммо ёрдам беришга келганда Гуландом Сатторова юрак ютиб, унинг муаммоларини ҳал этишга ваъда берди. Қарангки, ҳаётдан бутунлай кўнгли совуб, ўзини тақдир измига ташлаб қўйган аёл Гуландомнинг кўмаги, маслаҳати ва ундовлари билан ўз ҳаётини изга сола олибди.

— Менга Ойгул ҳақида туман Маҳалла ва оилани қўллаб-қувватлаш бўлими бош мутахассиси Сайёра опа

Абдирахмонова гапириб берган эди, — дейди Гуландом. — У киши телефон қилиб, бир қизимиз бор, сиз депутатсиз, имкон бўлса, ёрдам беринг, деб қолдилар. Биргалашиб масалани ўргандик. Роса уришиб Китоб туман ҳокимлиги томонидан эҳтиёжманд, бошланаси йўқ ёлғиз хотин-қизлар учун қурилган уй-жойдан бир хонали уй олишга эришдик. Туман тиббиёт бирлашмаси имкониёйсизликми ёки бошқа сабабми ҳар қалай сукут сақлашдан нари ўтолмадилар. Фақат бош шифокор Ҳаким Саидов билан суҳбатлашиб, тугруқ комплексининг патология бўлимига даволанишга ётқиздик. «Саховат ва кўмак» хайрия фонди ҳам Ойгулга жуда катта ёрдам қилди. Ойгул билан кўришиб, гаплашиб юрган пайтларда тўқувчиликка ўқуви борлигини сезиб қолдим. Айни пайтда у ўз ҳунарини мукамал ўрганмоқда...

Ойгулга ўхшаган меҳрга муҳтож инсонларга озгина ёрдам кўрсатилса, улар ўз йўлларини топиб олишларини кўрсатмоқда. Албатта, барчаси Яратганнинг амрига боғлиқ,

Халқ депутатлари Китоб туман Кенгашига 9-Паландара сайлов округидан сайланган депутат Гуландом Сатторова ва унинг атрофидагилар бунга сабабчи бўлдилар, холос.

Гуландом Сатторова бугун ҳам ўз ишини давом эттирмоқда. Яъни, ўз ваколати доирасида тумандошлари муаммоларни ўрганиб, уларни тегишли идоралар, масъул ташкилотлар билан ҳамкорликда ҳал этипти. Масалан, яқинда Халқлар дўстлиги маҳалласида яшовчи Дилноза Худойбердиевага тикувчилик фаолиятини йўлга қўйиш учун жой топишга ёрдам берди. Боқувчисини йўқотган Мафтуна Шамсиевага эса ҳомийлар ёрдами билан уй-жойини таъмирлашга кўмаклашди.

Очигини айтиш керак, ўз муаммоларига ечим топаётган фуқаролар депутатдан ҳам, давлатдан ҳам рози бўлишяпти. Бизнингча, депутат бўлашимиз, оддий партия аъзосими асосий мақсадимиз ҳам шу аслида.

Шаҳноза ҚАҲҲОРЗОДА,
Қашқадарё вилоят кенгаши
матбуот котиби

Ҳоким мактаб битирувчиларига 5 миллион сўмдан сармоя берди

Андижон вилояти ҳокими Шухратбек Абдурахмонов Андижон шаҳридаги 30-умумтаълим мактабида бўлиб, янги ўқув йилига тайёргарлик жараёнлари билан танишди ҳамда битирувчилар бандлигини таъминлаш, уларга ўзлари эгаллаган касб-ҳунар йўналишида мустақил иш юритишлари, сармоя сифатида кредит олиши учун сертификат топширди.



Мактаб ўқувчиларининг пухта билим олиши учун қулай шароит яратиш мақсадида ҳар бир синф хонасини янги, замонавий парта ва стуллар, электрон доскалар билан таъминлаш бўйича мутасаддиларга топшириқлар берилди.

Мактаб жамоаси билан мулоқотда ўқитувчилар мактабда ўқувчилар сони кўплиги, синф хоналарининг етишмаслиги, ушбу муаммони ҳал этилишига ёрдам кўрсатилишини сўради. Ушбу масала шу жойнинг ўзида ҳал этилди. Вилоят ҳокими мактаб ҳудудида тез кунларда 3 қаватли 18 та синф хонага мўлжалланган янги бино қурилиши бошланишини айтди.

— Мактаб битирувчилари бандлигини таъминлаш масаласига алоҳида эътибор қаратиш зарур, — деди

Ш.Абдурахмонов. — Битирувчилар мактабни тамомлаб, олий ўқув юртида ўқиши ёки касб-ҳунар эгаллаб, бирор юмуш билан банд бўлиши, бекор қолмаслиги керак. Бу нафақат ёшлар бандлигини таъминлашга, балки мустақил даромад ҳамда ҳаётда ўз ўринларини топишларига ёрдам беради.

Мулоқот сўнггида жорий йилда мазкур таълим муассасасини тамомлаб, касб-ҳунар эгаллаган 14 нафар 11-синф битирувчисига ўз тадбиркорлигини йўлга қўйишга кўмаклашиш мақсадида сармоя сифатида 5 миллион сўмдан кредит олиш учун сертификатлар топширилди.

Ф.УБАЙДУЛЛАЕВ,
ЎЗА

Машиналарнинг орқа ойналарига парда таъқиш мумкин

Олий суд энгил автомобилларнинг орқа ойналарига парда таъқиб юришга оид ишни кўриб чиқиб, ўз қарори билан парда таъқиб юриш мумкинлигини тасдиқлади. Буни

бир нечта манбалар билдирди, дея хабар бермоқда депутат Расул Кушербоев. «Демак орқа ойнага парда тақиш таъқиқланмаганлиги яна бир бор исботланди. Яқин

вақтлар ичида Олий суднинг бу буйича расмий хабар бериши кутилмоқда. Жамоатчиликни, ҳайдовчиларни бу кичик хушхабар билан табриқлайман», деган депутат.

Табрик

ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИНИНГ НАМАНГАН ВИЛОЯТ КЕНГАШИ ЖАМОАСИ

АЗИЗ ВАТАНДОШЛАР!


ЭЗГУ НИЯТ ВА ОРЗУЛАРИМИЗ УШАЛАЁТГАН
БУГУНГИ ЎЗГАРИШЛАР ДАВРИДА СИЗЛАРГА
ЭНГ АВВАЛО, СОҒЛИК ВА ХОТИРЖАМЛИК
ТИЛАЙМИЗ. ИСТИҚЛОЛИМИЗГА, ЖОНАЖОН
ВАТАНИМИЗГА ҲЕЧ ҚАЧОН КЎЗ ТЕГМАСИН!



NAMANGAN

МУСТАҚИЛЛИГИМИЗ АБАДИЙ БЎЛСИН!

29 ЙИЛ



**ЭНГ УЛУФ ВА ЭНГ АЗИЗ
БАЙРАМ – ИСТИҚЛОЛ
ТАНТАНАЛАРИ БИЛАН БАРЧА
ЮРТДОШЛАРИМИЗНИ
МУБОРАҚБОД ЭТАМИЗ.
ҲАМИША ЮРТИМИЗ ОБОД?
ДАСТУРХОНЛАРИМИЗ
ТЎКИН-СОЧИН БЎЛСИН, АЗИЗ
ЮРТДОШЛАР!**

ЎЗБЕКИСТОН «МИЛЛИЙ ТИҚЛАНИШ» ДЕМОКРАТИК ПАРТИЯСИНИНГ

ЖИЗЗАХ ВИЛОЯТ КЕНГАШИ ЖАМОАСИ

АБДУЛЛА ҚОДИРИЙ

НОМИДАГИ ЖИЗЗАХ ДАВЛАТ
ПЕДАГОГИКА ИНСТИТУТИ ПРОФЕССОР
ВА ЎҚИТУВЧИЛАРИ ЖАМОАСИ




*Ёш авлодда Ватан
тақдири, бугуни ва
келажагига
дахлдорлик ҳиссини
кучайтириш,
мустақил, янгича
фикрлайдиган
авлодни вояга
етказиш доимий
эътиборимизда бўлиб
қолаверади*



**ИСТИҚЛОЛИМИЗНИНГ 29 ЙИЛЛИГИ
МУБОРАК БЎЛСИН, АЗИЗ ЮРТДОШЛАР!**



Мактабларда ўқув вақти 8:00 дан 15:00 гача давом этиши, бир синф ўқувчилари бошқаси билан муоқот қилмаслиги, аралашиб кетмаслигига эътибор қаратилади.



Кеча Ўзбекистон халқ артисти, кино ва театр актрисаси Дилбар Иқромова 73 ёшида вафот этди. Маълумот учун, Дилбар Иқромова «Келинлар кузгалони», «Чимилдик», «Дев билан пакана», «Девона», «Афгон», «Ойқиз эртаги» каби жуда кўплаб фильмларда бир-биридан кизикарли бўлган турли ролларни таъбирич билан ижро этган. Ўзбекистон «Миллий тикланиш» ижтимоий-сиёсий газетаси жамғаси марҳуманинг оила аъзолари ва қўннларига чуқур ҳазинадорлик билдиради.

Чўпоннинг дуоси

Дунёда ҳеч яхшилик қилмаган, доимо инсонларга озор берадиган киши вафот этибди. Унинг хотини жаноза учун қишлоқ аҳлини чақирса, марҳумнинг ёди учун ҳеч қандай келмабди. Шунда аёл эрини ўзи кафанлаб, бир аравага солиб, кўмиш учун қишлоқ ақинидаги тоққа олиб кетибди.

Унинг аёлидан: — Биламизки, эринг умри давомида бизга зулм қилиб келди, озор берди. Бирон яхши ишини эслолмаймиз. Унинг қандай фазилати бор эдики, Аллоҳ унга жаннатни насиб этибди? — деб сўрашибди.

Тоғда қўиларни боқиб юрувчи бир чўпон бўлиб, аёлнинг паришон ҳолини кўриб, ундан ҳол сўрабди. Аёл бўлган воқеаларни айтган, йигит қабр қазиб, жаноза, дуо ўқиб, марҳумни дафн этибди. Аёл қишлоққа қайтибди.

Аёл ўйлаб-ўйлаб, эрининг ҳаётдан бирон фазилат тополмабди. Аёлдан кеча нима бўлганлигини сўрашибди. Аёл борини сўзлаб берибди. Шунда улар демак, гап чўпонда, у валий зотлардан бўлиши мумкин, деб ўйлашибди-да тоққа йўл олишибди. Қарашса, йигит оддий чўпон, валийлик асоратлари кўринмайди. Ундан сўрашибди:

— Эй йигит, сен Аллоҳнинг дўстлариданмисан? Сен кеча кўнган киши жаннатий бўлганини бизлар тушимизда кўрдик. Кеча ўзи нима бўлган эди?

— Мен валий эмасман. Кеча мен гўр қаздим, марҳумни дафн этдим. Жанозасини ўқидим. Сўнггида дуо қилдим.

— Ҳа, нима деб дуо қилгандинг?
— Дедимки, Аллоҳим, мен умрим буйи шу тоғларда чўпонлик қилдим. Бу тоғларга Сенинг саломингни айтиб келиб ҳар бир мусофирни меҳмонлигиб, унга суғиб бердим, гўшт қовурдим. Энди, менам сенга бир меҳмон жўнатялман. Уни ўзинг яхши кутиб олгин! — деб дуо қилдим.

Аллоҳим икки дунёда юзимизни ёруғ қилсин омин!

milliy HABARLAR, VOQEALAR, TAQSILOTLAR

COVID-19 kasalligiga chalingan 39664 nafar bemorning qayd etilishi va sog'ayganligi bilan bog'liq kursatkichlar jadvali. Table with columns: Hududlar, Qayd etilishi, Sog'ayganlar, Foyizda, V.3

Ўзбекистон коронавирусга қарши эмлаш дастурига қўшилди

Куни кеча Женевада бўлиб ўтган брифингда Жаҳон соғлиқни сақлаш ташкилоти бош директори Тедрос Гебрейесуснинг маълум қилишича, коронавирусга қарши вакцина ишлаб чиқиш ва тарқатиш бўйича "COVAX" халқаро механизмига 172 давлат қўшилди. Айни пайтда ЖССТ портфелида коронавирусга қарши 9 та вакцина мавжуд экани айтилмоқда. Яна бир янгилик, ЖССТ ва унинг Европа минтақавий бюросининг фаол аъзоси сифатида Ўзбекистон ҳам ташкилотнинг коронавирусга қарши эмлаш дастурига қўшилди.



Мустақиллик байрами арафасида ўзбекистонликлар нечи кун дам олишади?

Жорий йилда 1 сентябрь — Мустақиллик куни сешанба кунига тўғри келади. Ва ўз-ўзидан кўплаб фуқароларимизда байрам арафасидаги дам олиш кунлари қандай тартибга солиниши ҳақида саволлар туғилмоқда. Фуқароларнинг расмий саналарни нишонлаш даврида тўлиқ дам олиши учун шарт-шароитлар яратиш мақсадида Ўзбекистон Республикаси Президентининг 2019 йил 14 ноябрдаги ПФ-5875-сонли Фармониға биноан, 29 август — шанба дам олиш куни 31 август — душанба иш кунига кўчирилади.

Демак, 29 август — шанба куни, ҳафтасига неча кун ишлашдан қатъи назар, барча ходимлар учун иш куни ҳисобланади. 31 август — душанба куни эса, ҳафтасига неча кун ишлашдан қатъи назар, барча ходимлар учун дам олиш куни бўлади. Шундай қилиб Мустақиллик байрами арафасида ўзбекистонликлар қуйидаги 3 кунда кетма-кет дам олишади: 30 август — якшанба (дам олиш куни); 31 август — душанба (барча учун кўчирилган дам олиш куни); 1 сентябрь — сешанба (Мустақиллик байрами).

Бир чимдим қулгу...

Бир подшоҳ вазири билан қишлоқни айланиб юрса, бир чол ўтин териб юрган экан... Шунда шох сўрабди: — Ҳа, отахон қишнинг совуқ кунанда, тинчликми? Отахон: — Тирикчилик шохим. Подшоҳ: — Учни бирга урмаганмиди? Қишда ўтин теряпси. Отахон: — Учни бирга ургандим, 32 кўймаптади. Подшоҳ: — 32 дан нечта? Отахон: — Олтита шохим. Подшоҳ: — Мен бир ғоз юннатсам, патини юлиб олмайсизми-а? Отахон: — Майли шохим, агар сиз шуни ихтиёр қилсангиз... Подшоҳ: — Унда келишдик... Шох ва вазир саройга қайтишибди. Вазир уларнинг суҳбатидан озги

очилиб, шохга дебди: — Шохим сиз боя отахон билан нимани гаплашдингиз-а? Подшоҳ дарғазаб бўлиб: — Шуни ҳам билмайсанми, мен сени нега вазир қилиб олиб юрибман-а? Сенга муҳлат зехнингни ишлатчи тополармикан... Вазир роса, ўйланиб тополмабди ва отахоннинг ёнига борибди ва нима ҳақида суҳбат қилганликларини сўрабди. Отахон айтмабди ва: — Агар шохим айтмаган бўлса, мен ҳам айтмайман, — дебди. Шунда вазир бир халта тилло бериб айтишини илтимос қилибди: — Агар айтмасангиз, мени шох қалламни олади, дебди. Отахон рози бўлибди ва айтибди: — Шох сўради: Учни бирга урмаган-

мидиз, яъни уч фаслда қишга тарадду кўриб олмангидингиз, совуқда ўтин теряпси деди. Мен: — Кўргандим, лекин 32 кўймапти, яъни, 32 та тиш қўймапти, тоганимизни еяпимиз дегандим. Шох айтди: — 32 дан нечта? Мен айтдим: — 6 та, яъни оилада 6 кишимиз. Шох айтди: — Бир ғоз юборсам патини юласизми деди, яъни менга ҳиммат кўрсатди. Мен: — Бажонидил дедим. Мана, Подшоҳ ғоз қилиб сизни юборди, мен патингизни юлдим, яъни сизни тилларингизни шу гаплар эвазига олдим, деб қулибди... Вазир бу бўлган ишлардан қойил қолибди ва секин ортига қайтибди...

СТАТИСТИКА

2016-2020 йиллар давомида 6 та театр, 4 та музей ҳамда 69 та маданият марказларида олиб борилган таъмирлаш ва жиҳозлаш ишларига 229 млрд. сўмдан ортиқ маблағ сарфланди. Маданият муассасаларига банклар томонидан 57 млрд. сўмдан ортиқ молиявий ёрдам кўрсатилди. Янги ташкил этилган 22 та болалар мусиқа ва санъат мактаблари қурилишига 120 млрд. сўмдан ортиқ маблағ йўналтирилди. 2017 йили 44 та моддий маданий мерос объектига 28,8 млрд., 2018 йилда 77 та объектига 47,5, 2019 йилда эса 79 та моддий маданий мерос объектига 58,1 млрд. сўм маблағ ажратилиб, таъмирлаш тиклаш ишлари олиб борилди.

Дарс давомийлиги 30 дақиқага ўтказилиши мумкин

Бу ҳақда АОҚада Ўзбекистон Республикаси Соғлиқни сақлаш вазирлиги ҳузуридаги Санитария-эпидемиологик осойишталик агентлиги директори Баҳодир Алматов гапирди. — Коронавирус болаларда анча енглис ўтади, — деди Б.Алматов. — Аксарият ҳолатларда белгисиз бўлиши ҳам мумкин. Лекин мактабларда болалар касаллик тарқатувчи бўлиб қолиши эҳтимоли бор. Бунинг олдини олиш учун ўқув йилини бошлаш бўйича меъёрий ҳужжат ишлаб чиқилди. Унга кўра, ўқув йилини бошлашдан олдин мактабларнинг тайёргарлик жараёни ўрганилади. Ҳар бир синфхонани шамоллатиш имконияти яратилади. Бино олди ва синфхоналарда антисептик дезинфекция воситалари ўрнатилади. Ўқитувчилар, мактаб ходимлари махсус тайёргарликдан ўтказилади. Ўқувчилар мактабда тиббий ниқобда бўлиши шарт. Дарслар давомийлигини 30 дақиқага ўтказишни тавсия қиламиз. Бундан ташқари, мактабларда ўқув вақти 8:00 дан 15:00 гача давом этиши, бир синф ўқувчилари бошқаси билан муоқот қилмаслиги, аралашиб кетмаслигига эътибор қаратиш керак бўлади. Мактабда оммавий тадбирлар ўтказиш мумкин эмас. Ошхоналар ишлашига йўл қўйилмайди. Бино худудига бегоналар кириши тақиқланади.

Ўзбекистон «Миллий тикланиш» демократик партиясининг ижтимоий-сиёсий газетаси. ЖАМОАТЧИЛИК КЕНГАШИ: Алишер ҚОДИРОВ — кенгаш раиси, Акмал САИДОВ, Абдулазиз АККУЛОВ, Аброр ПҮЛАТОВ, Амриддин БЕРДИМУРDOV, Бахтиёр САЙФУЛЛАЕВ, Илҳом АБДУЛЛАЕВ, Минхожиддин МИРЗО, Нодир МУХТОРОВ, Отабек ЖИАНБОЕВ, Озодбек НАЗАРБЕКОВ, Ортиқали ҚОЗОҚОВ, Феруза МУХАММАДЖОНОВА, Хуршид ДҲҲУМУХАММАД, Шерзоҳдон ҚУДРАТХҲҲАЕВ, Шавкат ШАРИПОВ, Шухратжон АХУНДЖАНОВ. Бош мухarrир: Миродил АБДУРАҲМОНОВ. ТАХРИРИЯТ МАНЗИЛИ: Тошкент шаҳри, Миробод тумани, Буюк Турон кўчаси, 41-уй. Газета тахририят компьютер марказида терилди ва саҳифаланди. Муаллифлар фикри тахририят нукта назаридан фарқ қилиши мумкин. Тахририятга келган хатлар доимий эътиборимизда бўлиб, улар муаллифларига қайтарилмайд.